

मेलो श्याम धणी को लागे,
भक्तो सुरजगढ़ के माय,
सुरजगढ़ के माय,
श्याम के मंदरीये के माय,
मेलों श्याम धणी को लागे,
भक्तो सुरजगढ़ के माय ॥

माघ सुदी ग्यारस दिन आवे,
श्याम ध्वजा सब लेकर आवे,
श्याम ध्वजा भक्तां रे हांथा,
शिखर बंध चढ जाय,
मेलों श्याम धणी को लागे,
भक्तो सुरजगढ़ के माय ॥

आको है इतिहास निरालो,
भक्त अठे का खोल्या तालो,
लग्यो अखाडो जद भक्तां को,
खाटु मंदिर माय,
मेलों श्याम धणी को लागे,
भक्तो सुरजगढ़ के माय ॥

दीखण म यो गांव है छोटो,
सेठ अठे बैठचो है मोटो,
फुटचोडी स फुटचोडी तकदीर,

अठे बण जाय,
मेलों श्याम धणी को लागे,
भक्तो सुरजगढ क माय ॥

श्याम अखाडो जद लग जावे,
श्याम सिंहासन छोडकआवे,
बुला बुलाकर सब प्रेमी,
अटक्या काम बणाय,
मेलों श्याम धणी को लागे,
भक्तो सुरजगढ क माय ॥

आकर देखो श्याम नजारो,
कहणो मानो आज हमारो,
मन्नु जंग लग्यो तालो किस्मत को,
अठे खुल जाय,
मेलों श्याम धणी को लागे,
भक्तो सुरजगढ क माय ॥

तुसला राम जी हेलो मारे,
भगत भागीरथ खडचा पुकारें,
कहे हजारी आवो मंदिर म,
सब संकट मिट जाए,
मेलों श्याम धणी को लागे,
भक्तो सुरजगढ क माय ॥

मेलों श्याम धणी को लागे,
भक्तो सुरजगढ क माय,

सुरजगढ के माय,
श्याम के मंदरीये के माय,
मेलों श्याम धणी को लागे,
भक्तो सुरजगढ के माय ॥

Singer & Upload By
Hardeep Sharma
6394002623

Source:

<https://www.bharattemples.com/melo-shyam-dhani-ko-lage-bhakto-surajgadh-ke-maay/>



Bharat Temples

Complete Bhajans Collections - Download Free Android App
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>